

題劉節使所藏顯宗御畫莊子

顯宗好道富年壯手筆南華古形狀南華去世千載餘狀貌風
格知何如只是今人重古道髣髴氣象加襟裾至人胷中本無
待萬竅吹噓任天籟揚韓嵇阮心不同到了各歸於大塊

冬日郊外閑步

草木既凋殘冰霜何凜冽長空鳥飛盡大海魚遊絕商旅不行
舟昆蟲皆閉穴誰能豐足外解把孤貧設

秋風海上

蓬萊有客無家鄉身擬學仙遊大方大方洪水浸天闊東極萬
里青茫茫曉來雨過西風急策杖憑高看呼吸鴻鴈連天剝棗

道藏輯要

礪溪集

聖

又胃集三

晴魚龍戲水操舟人千尺絲綸直下垂碧波深處釣鯨鯢紛紛
魚鼈不肯食齷齪波瀾空自迷挂席未能超彼岸乘槎再欲浮
天漢天漢高高萬象明白雲誰是長生伴

登州修真觀建黃籙醮

渾淪至道急如箭反覆陰陽自交戰太極茫茫造化開平空落
落神奇見羣生萬象參差出六合八紘粧點遍躋古騰今逐日
新流形返樸隨時變有情無情不可窮大智小智交相攻不有
聖賢開教化那知動植本虛空千經萬論垂方便寶笈琅函興
眾善自昔根源發杳冥迄今道德猶光顯邇來天下教門興達
士隨方化有情我亦周流三十載還鄉復到海邊城城南磊落